


經
驗
祕
方
類
鈔

真州吳引孫題

籤



庚申孟秋

經
驗
祕
方

留耕堂石印



吳君霽生王君晦庵出經驗秘
方二卷示余請并言而刊行之
余讀其書上下卷共為三十門
為方四百有二十皆採自古書
傳自良醫卷帙不繁經驗有徵

余甚嘉吳王二君用心之精而
需生利物之切也夫陰陽寒暑
不能無愆而灾癘生焉世無扁
盧虛實莫辨攻補雜投方與病
違動輒夭札如近日時疫流行

生死呼吸為庸醫所誤者比之
皆是補救無權遂譏其咎於陰
陽寒暑豈然也哉是書辨證極
於危難集方期於賅備較諸雅
川肘後之方忠宣集解之錄更



為簡約易操使窮鄉僻壤家置
一編遇有難症檢方立愈東坡
云藥雖進於醫手方多傳於古
人求諸方不猶愈於求諸不知
方之醫乎人能宏此胞與



之懷求民隱省疾苦休養生
息於未病之先良吏之功將
與良方爭烈矣同志勉乎
哉

光緒乙巳十月養寬居士真

州福茂吳引孫序於北
庭撫解之南軒并書



經驗祕方序

陸宣公晚年好醫問祕方輒

錄而范文正亦有不為良相則為

良醫之語夫醫小道也往々賢士

大夫究心焉者非以其能活人故

耶昔人論醫不專於藥而舍

藥無以全臨藥不必泥於方而
有方望以為藥雖然方書多
矣其試之不必效或反誤人者
有之研如泥古法以為政及
施之一州一邑已極不可行矣
貴焉吳君霽生王君晦厂

因携其數十寒暑所輯舊藏
經驗祕方以墜世其書簡而
明要其方非世所恆有然皆
經屢試而驗予固非知醫者
而於是書則知其真能活人
也尤願同志推此活人之心

居官行政以与吾民
瘼也欣然序之

民國九年二月江都一碧

山人張守業書



醫爲仁術功與良相等然而精其業者不可數邁世傳古方又或不
宜於今求其十全爲上如周官所云者憂憂乎其難之矣唯一二丹
方往往有奇驗者然亦不可得得之又或秘而不出人遇驟病不及
診治而斃者實爲可憫吳君霈生念切惻癘留心於此已二十餘年
所集丹方積有若干欲彙而梓之以濟世洵胞與之盛心也夫人疾
苦在身不啻陷於水火有能拯而出之其德之存爲何如醫家非不
心乎利濟也然有或中或否之殊其奏功也又有或速或緩之別茲
以百試百中之方而不秘於一已俾人人家有其書是猶聚千百良
醫於一處而布其活人之術於四方其收功之廣且遠也何可量哉
且其所用之藥不必貴有一二文而見奇效者未可以其賤而忽之

也故爲序其卷首而并以此告覽者

民國八年九月怡怡居士揚州懋之陳弼書於吟香閣之南軒



晉庾袞當咸寧中大疫二兄俱亡次兄毗復殆癘氣方熾父母諸弟皆出次於外袞獨留不去諸父兄強之乃曰袞性不畏病遂親自扶持晝夜不眠如此十有餘旬疫勢既歇家人乃反毗病得瘥袞亦無恙父老咸曰異哉此子守人所不能守行人所不能行歲寒然後知松栢之後凋始疑疫癘之不相染也蓋人平日攝養使中氣能作得主卽遇毒染邪皆旁行而不傷况孝友誠至如袞豈無冥冥扶助者乎吾至契多賢者皆知捨財以行善惟丹徒吳霈生兼盡心力有袞之風近出一編示余皆平日親驗良方將刊以行世蓋自其先世好以方藥濟人吾少時卽聞里黨間稱說吳善人家巴膏今方中所列者是也語云方多傳於古人其足重不待言獨重吳霈生勇於爲善

必躬必親如袁所稱性不畏病之類有如是之心力然後用如是之
方藥感而遂通又不待言者也是爲序時宣統元年十一月樹聲陳
松濤書於歸真園之船菴



草根樹皮頑物也醫用之而頑者以靈靈於隨病定方耳而方之靈效者不本師傳即由心得輒曰秘方嗚呼方可秘乎方能活一世人曷若活萬世人能治一方人曷若治四方人秘之不過利一己而已利一己而不利萬萬人安乎不安忍乎不忍今吳君霈生王君晦臣採輯經驗秘方每以藥之與病顯見其相宜者遇病而試之頗驗歷試之亦無不驗因思荒陬僻壤未能多得名醫亦未必多得良方意欲出所親驗者付之剞劂又以所見不廣所得不多用購覓於親友是以古漁任姻丈劍門朱君柳崖方君并同志諸公各出其家藏經驗之方慨然授之乃克集腋成裘而吳君霈生爲之剖分門類王君晦臣更加考訂差訛益見兩君苦心孤詣念切利人而並喜諸君子